

國民二十二年春月刊

聶久吾先生著

活幼心法大全

無錫日升山房藏板



續刺活幼心法引

治痘為小兒第一要症古來著書立論皆

執瘡瘍屬心火之一言多用寒涼解毒諸

書

藥施之壯實者未嘗不效若遇虛弱之症

則禍不旋踵近世小兒實者少而虛者多

其貽害有不可勝言者惟聶氏久吾所著

活幼心法持論精詳辨症確切自發熱以
至收功逐層明示瞭若指掌無論知醫與
否皆可按症尋方並附痧疹驚風吐瀉等
症治法亦極精妙洵指迷之藥鍼救世之
寶筏也近有朱氏純嘏痘疹定論一書專
以聶氏心法為指歸而又發其蘊義補其

未備二書實相輔而行有功於世誠非淺
鮮今痘疹定論揚郡已有存板而聶氏
法余前曾鋟板於武林後為兵火所燬吳
越之間尚未聞有重鋟者余恐是書之湮
沒因商之同好諸君為集腋之舉將所存
舊本付梓以公諸世庶幾二書並垂不朽



南京中醫藥大學圖書館版權所有

永為保幼之一助歟

同治己巳仲春浙江山陰滌塵氏識於毘陵客舍



引言

痘疹為孩提一大關治之善則生治之不善則死然則為醫之道可不求其精乎無如千古以來其書不啻數十百家人各一見幾于聚訟惟聶久吾之活幼心法一書啟天地之祕奧破今昔之沈迷起死回



生真可操券不特錢仲陽朱丹溪黃西
邱諸人之偏失已辨晰而明即保赤金書
痘科正宗金鏡錄心要會編等集俱不
待辨而可以自知其得失矣今特印以奉
送想諸君子必先首肯僕言也此外尚
有痘疹定論一編係

御醫朱氏純嘏所著一遵心法之法可并信
也故附表之



活幼心法目錄

卷一 痘症

論受病之原

折諸家之衷

闢時醫之謬

辨虛寔寒熱之異

晰氣血盈虧消長之理

精炮製用藥之法

卷二 痘症



初發熱至痘出齊數日內調治法

備載各變症方論治法

卷三

痘症

症出齊後起發灌膿數日內調治法

備載各變症方論治法

卷四

痘症

漿足回水至結痂還元數日內調治法

備載各變症方論治法

卷五

痘症



南京中医药大学图书馆版权所有

備用緊要諸症方論

夾班丹

夾麻疹

倒靨

痒

痛

肉脹

發

發癰

臭爛

衄血

水疱

口瘡

咽喉

失聲

瘡水

小便不利

患眼

以上各症治法

并附古今治痘要方

卷六

痘症



痘證或問六條

卷七

痧症 麻疹同惜心法止論發熱見形留毒
三方因詳補孟氏諸症治法以成全

痧疹治法總論

初發熱欲出未出時用治法

已見形一二日內用治法

已出而紅腫太甚用治法

痧症四五六日同時各症用治法

卷八

雜症

雜症論

急驚風卽陽 慢驚風卽陰 吐瀉

疳

腹痛

發熱

卷末

心法附條

附治痘要方

論脉

集中諸方。有用人參者。在從前參價尙不甚貴。今則六七百換矣。平等之家。恐難購用。故遇其症。但以上黨參加倍代之。庶不致見貴藥而遂不用。轉有以悞之也。然力能用者。仍宜用之。附記



北京中醫藥大學圖書館版權所有

尚山曰此書
議論好立方
好製藥好誠
大父母之心
也讀者其知
所以珍之重
之而毋疑之
忽之

活幼心法大全卷一

明清江聶尚恒久吾父著

論受病之原

痘疹之源有謂兒在胎時食母穢血而致者有謂父母
慾火所致者慾火之說出于臆測固無明據然嘗見孕
婦飲食清淡者生子出痘多稀少而平順恣食厚味者
生子出痘多稠密而險危則其病源受毒于母胎血穢
似有明驗蓋飲食淡則血氣清而胎毒輕飲食厚則血
氣濁而胎毒重受毒重故出痘多受毒輕故出痘少其



南京中医药大学图书馆藏

理易明也。近有好爲奇論者。謂口外人。豈無慾火胎毒。而獨不出痘。則此二說皆非也。諸痛癢瘡瘍。皆屬心火。以中國地對口外。分四方。則中國屬東南。口外屬西北。東南屬火。故心火旺而有痘瘡。西北屬水。故心火不旺而無痘瘡。又以口外人居中國。則亦出痘。中國人居口外。則亦不出痘。爲證。此論似是而實非也。若痘非胎毒。果因地方火旺而有之。則閩廣等極東南之地。其人出痘。當至再至三。何以一生止一次。與中土同也。意者口外極寒。無屋居。鮮火食。冒風霜。犯冰雪。腠理秘密。卽有

胎毒當爲別症。不能宣發于皮膚而爲痘瘡。是以口外
不出痘也。不可執此而謂痘非胎毒也。夫胎毒潛伏于
五臟。有觸則發。無觸則不發。故其發有遲速。當其未發
時。形氣俱泯。無可端倪。若未燧之火。何處尋覓。又何可
解釋。故余以爲古立預解痘毒諸方。若無故而逐寇于
通都。不近理也。及其有觸而發。則勃然不可禦。蓋其毒
氣發自五臟。實動五臟真氣。全賴血氣送毒氣而出之。
于外。運化之而成漿。收結之而成痂。而後臟腑可安。若
血氣送毒氣不出。則毒氣反攻臟腑。如寇作于都城中。

入之治痘以
解毒在前逐
毒在後此之
治痘以逐毒
在前解毒在
後此中敘有
名論非曉人
不易知亦不
易悟也此後
之或問所以
嘆不可少矣

主者不能操謀奮武。遂之于外。致令操戈內攻。安得不危。故用藥如用兵。不可不透此理也。

折諸家之衷

治痘之家多矣。劉河間悉用寒涼。偏害非小。至于錢仲陽立方。亦以解毒為主。而多用寒涼。少用溫補。張潔古王海藏咸宗之。此其意俱本于內經諸瘡瘍屬心火之一言。故以寒涼瀉火也。厥後陳文中立方。力矯其偏。專主溫補。凡痘瘡已出未出之間。諸症悉用十一味木香散。已出之間。諸症悉用十二味異功散。其意歸重于太

